

四庫全書

集部

欽定四庫全書

集部

石倉歷代詩選卷一百六十八

六至

詳校官庶吉士臣范逢恩

侍讀臣孫球覆勘

總校官進士臣朱鈐

校對官中書臣方大川

謄錄監生臣何珊

欽定四庫全書

石倉歷代詩選卷一百六十六

明 曹學佺 編

宋詩四十三

洪适

行行重行行

行行重行行
南北各倦遊
昔人重離別
一日嗟三秋
如何三秋暮
相見尚悠悠
方寸正紆軫
何以寫我憂
仰瞻

衡漢移俯對蘭菊遂臭味雖云同光塵若為異迴風淒
且發飄我別時袂欲知長相思披衣不勝體

青青河畔草

青青河畔草
英英籬邊菊
雅雅當窻女
濯濯手如玉
淵淵錦中意
粲粲未盈幅
藁砧天一涯
刀頭誤行卜
卻鑑怨新眉
誰教遠山綠

明月皎夜光

明月皎夜光
瑟瑟扇商籟
衡紀直西躔
雲章斜左界
感

彼林薄凋歲律倏云邁蜻蛚誰汝憐悽悽鳴戶外昔我
耐久朋著鞭道方泰尉藉繒縞輕金蘭舊盟改東井不
及泉須女無儔配君看貢公綦白頭愧傾蓋

冉冉孤生竹

冉冉孤生竹成陰幽谷中聿來君子室葛藟施喬松喬
松千百尋攀附猶可窮思君江水深褰裳難往從同心
而偏棲愧彼摩霄鴻灼灼芙蓉花凌波媚芳風非不努
力愛秋至無歸鴻昔盟儻不寒誰嘆久西東

迢迢牽牛星

迢迢牽牛星，奕奕停梭女。尋盟整瑤轡，緘情遵漢渚。欣
讌未斯須，別愁眉已度。黃月不我留，殘機忍重顧。翻羨
巫山雲，朝朝楚王遇。

明月何皎皎

明月何皎皎，舒光瑩牕綺。宛轉羞空牀，披軒步庭際。故
愛同一心，新愁今兩耳。咫尺相會難，迢迢若千里。況復
千里隔，憂端無窮已。

海棠花

雨濯吳粧膩，風催蜀錦裁。自嫌生較晚，不得聘寒梅。

金城

記黎舉常云：欲令梅聘海棠，根子臣櫻桃及以芥嫁笋，但恨時不同。然牡丹、酴醾、楊梅、枇杷盡為友。

宿佛窟寺

籃輿登佛窟，高閣望中清。古木爾許蔭，飛泉無限聲。雨消今日暑，雲作晚來晴。獨對青山久，相逢如有情。

交翠亭

政和丙申，家君主寧海簿，明年作交翠亭，是秋

而某生後二十有八年某來貳郡事踰年行縣
至此感舊遂賦詩

三十年中事鸞棲築一亭寒聲長新籜清閤拂疎櫺水
轉前時綠山濃遠處青重來勤問訊此別記秋螢

次韻蔡瞻明江樓秋晚

斜照穿林迥歸雲斂岫遲蝸文寒壁篆蛛巧暮簷絲待
月是愁處對山無倦時掀髯阻談綺細讀寄來詩

國清寺

紺宇今方盛名知國已清

李邕寺記云智者嘗夢定光曰寺若成國必清因以為名

萬松九里影雙澗四時聲杖策將窮覽巾車不計程登

堂山更好人去曉猿鳴

光老作更好堂方成而有旨移住靈隱時丈室未有繼之者

寒巖寺

峭壁挿青冥層巖覆化城空中清磬發幽處慧燈明萬
瓦足雲氣四簷無雨聲豐干不饒舌此地孰知名

曉發泰安驛

秋夢不能曉起行山徑迷小車驚宿鷺列炬誤鳴雞冷

覺霜華重光瞻斗柄低金庭有佳處芳桂想幽棲

送范子芬赴浙東機幕

男兒三十富春秋況是才華出輩流傳家不墮右丞相
入幕少佐東諸侯梅花頗惜詩人去草色正牽行客愁
修禊蘭亭訪陳迹應懷同醉仲宣樓

次韻程觀過

山城寂寂簿書稀梅際春風一夜歸忽喜烹魚中有得
恍然揮麈久相違折腰豈愛蘄州竹問漢須尋織女機

奇絕黃山待佳句何時小雨濕征衣

乞盟豹巖之北脩竹數畝中有叢冢數十百處
皆紹興末年所寄余得地先定規撫某處起
亭榭某處植花木七八年間成畦逕矣所寄
之櫬願移者從之不强也作噩之春有姓淡
人來啓啓散卜日携鍤掘土數尺敗棺俱在
朽骨為土所蝕頗亦不具皆包裹而去後數
日忽訴于縣于州于外臺追問証治踰月始

定今不復塞其故穴欲使孫曾知之故作此

詩

未央長樂宮中有樗里墓沈沈天子居咫尺穴狐兔乃
知古聖人如天覆下土雖袒裼裸裎回目不顧賢哉
季武子杜殯迫西廡堂皇步武接松檟暗鐘鼓桃茢不
屏除芻靈許來祔忌諱後愈多今人不如古曹瞞好發
邱凶德比夷虜掩骼埋其胔人當事斯語我老得歸田
買山因學圃鬱鬱琅玕林叢冢不知數豈忍去枯骨為

我展杖屨恣其笋侵畱不使種瓜瓠花木列四旁亭榭
亦回護數年畦逕成或徙或如故尚有獷悍人珥筆巧
誣訴無言事自明有物衆所覩舊壙今弗埋朽木且支
柱尚恐妄男子輕傳市中虎書事示孫曾無心覓佳句

附韓元吉詩

有南
澗集

雨中聞伯恭至湖上

莫嫌鞭馬踏春泥茶鼎詩囊偶共携山色雨深看更好
湖光煙接望還迷連天花絮飛將盡夾道蒲荷長欲齊

官事得閒須洗眼蓬壺只在帝城西

記建安大水

孤城雨脚暮雲平不覺魚龍自滿庭託命已甘同木偶
置身端亦似羸瓶浮家却羨鷗夷子弄月常憂太白星
當日乘槎便仙去故人應在曲江靈

紅梅

不隨羣艷競年芳獨自施朱對雪霜越女謾誇天下白
壽陽還作醉時粧半依修竹餘真態錯認夭桃有暗香

月底瑤臺清夢到霓裳
新換舞衣長

送陸務觀得倅鎮江還越

高文不試紫雲樓
猶得聲名動九州
金馬漸登難避世
蓬萊已近却回舟
燒城赤舌知何事
許國丹心惜未酬
歸卧鏡湖聊洗眼
雨餘層壑正奔流

送陸務觀福建提倉

觥船相對百分空
京口追隨一夢中
落紙雲煙君似舊
盈巾霜雪我成翁
春來茗葉還爭白
臘近梅梢盡放紅

領畧溪山須妙語小迂旌節上凌風

附韓琥詩

字仲止南澗之子也

五月十日

片月生林白泐流澗亦明幽人方獨夜山寺有微行野處偏宜夏貧家不厭晴薰風吹老髮腐草見飛螢

七月四首

水石雲山裏歸來已九秋隔城如淺近隣寺始深幽慧遠逢修靜文淵說少游徑荒殊不掃風葉上牽牛

其二

地僻稀人迹重林日自虛
鳥飛晨氣外蟬噪晚涼初
餘潤從侵屨浮埃倦整書
樵漁時上下閉戶又何居

其三

木末芙蓉起亭亭綠且青
牆猶承片瓦牕不礙踈櫺
次第花擎蓋縱橫葉展屏
石丁誰主者仙豈待沈冥

其四

擁砌叢生菊何關老意多
澆花驚易燥耘草喜成科
枕

腊猶宜睡餐香豈待哦淵明藏不盡滿把尚婆娑

雨多極涼冷

焉知三伏雨已作九秋風木葉涼應脫禾苗潤必豐地
偏山吐月橋斷水浮空雞犬隣家外魚蝦小市中

晚雨可愛

燈火涼秋夜空山雨到簷吹聲初甚少落勢近頻添籬
菊叢叢潤畦蔬種種沾沈思仍靜聽香鼎伴書籤

雨涼意可掬

秋聲連夜起秋意雨來時
睡覺風生屋涼須水到池交
游稀自好出入懶方宜
只被章泉誤書題又寄詩

晚春

幽砌踈畦送晚春
水流山靜見閒身
行吟散去風光好
熟睡醒來雨氣新
木筆豈非濃意態
石楠終是淡精神
鶯聲圓處鵲聲急
景物芳菲不負人

十三日

南山春雪未全消
路並浮梁步石橋
深綠漸歸高柳葉

淺紅初上小梅梢
峭寒寺院鐘聲起
昏暮人家獨影搖
一夜東風吹酒醒
夢回花月是元宵

寒食

曉色猶濛淡淡煙
花間行過小溪邊
人家寒食當晴日
野老春遊近午天
吹盡海棠無步障
開成山柳有堆綿
呼兒覓友尋隣伴
看却村農又下田

九日破曉携兒姪上前山竚立佳甚

懷玉鏡臺開遠晴
靈溪葛水去無聲
園荒不礙憑高立

徑側何須委曲行
露氣已濃清可掬
日華初出盡難成
閒居九日依辰至
舉俗胡為亦愛名

風雨中誦潘邠老詩

滿城風雨近重陽
獨上吳山看大江
老眼昏花忘遠近
壯心軒豁任行藏
從來野色供吟興
是處秋光合斷腸
今古騷人乃如許
暮潮聲捲入蒼茫

探梅

簡點山前梅蘂痕
花雖未放已銷魂
縱饒老幹摧幽谷

也勝繁華倚市門冷落不成欺歲晚陽和且可待春溫
清香一噴紅梢滿却月凌風未易論

梅花

今年全未作梅詩與向花前浪品題不分雪霜摧折盡
尚須天日照臨之靜看冷蘂無人會閒遶孤根只自知
猶有幽禽解鳴語為予醺酢殆移時

又

肯同桃李強攬春自占空山野水濱老氣却因高樹得

清姿不待數花新
本來澹薄難從俗
縱入紛華已絕塵
最愛夜深霜重處
冷風吹起月精神

春山看紅梅

年年常得醉君家
今日紅梅正着花
點綴初非桃有艷
橫斜寧與李爭華
依然竹外并林下
况復山巔與水涯
步遶孤根香更在
高懷無惜共流霞

澗上臘梅香甚

照眼花枝是臘梅
香傳小樹為誰開
弄陰欲雪山長暝

破曉終風水漫洄鳥語春聲喧復靜鴻飛寒影去還來
數間敗屋浮橋外何苦無吟不舉杯

梅下

雖得霜濃春自濃野梅無處不為容半依古渡迷芳草
獨占荒山對古松綽約花房宜戲蝶崔嵬枝幹若游龍
角巾一幅支筇久不覺煙中有寺鐘

澗東臨風飲梅花尚未全放一樹獨佳

殘雪餘寒二月來澗東猶是欲開梅夕陽影澹初尋句

流水聲清更把杯
取友喚隣相領略
破荒尋勝獨徘徊
誰能折向南枝醉
一陣寒香撲麝煤

探梅

探梅山路一杯停
日澹風微遠靄生
莫問古來尋古話
只知春近愛春情
幾枝冷蘂吟方見
一點疎花畫不成
我挾兩兒同二友
老來酒外更何營

附許將詩

元祐狀元字
冲元福州人

成都運司西園亭詩

高牙負北郭芳園路西轉鳥鳴戀故木蘭茁歸新畹坐
延花景深行倚筇枝穩翳然想林水會心不在遠

其二

朱堂俯玉谿玉谿清且幽從公暫息偃撫景空夷猶浮
雲冠圓島白日回方流祇此有光碧何必崑崙洲

其三

重樓起城陰乘高望四極列峰橫青天飛雪千里積疑
是空素山冬夏海中白莫怪頻東向上有思歸客

其四

海棠冠蜀花此軒花尤冠紅雲簇藥細綠水照葉嫩倚
粧宮粉聚疊綺霞光散雨淚點春風應懷上林怨

其五

蜀地山四維益州平如掌累臺鬱臨風坐看月宵上稍
出叢木末始發衆籟爽茲焉暫遊目一覽天地廣

其六

欄干竇溜長窈窕空埃靜修林密總翠盡得錦城景雲

舒青青色風散搔搔影未為夜行人共此晝夜永

其七

引泉注清渠潺潺漱寒玉側出閨風遲驟驚江雨速飛
瀨乍揚白樛木細涵綠晝夜聲不止肯効楚人哭

其八

茅茨以為菴環顧蕭然虛內樂苟自足容人即有餘旁
依修竹密上翳青松踈勿言此中陋中有君子居

其九

飛閣出方池，修曲見空莽。
低臨花塢近，平覺春波長。
返景澄餘暉，夕陰帶浮爽。
從容觀魚樂，不減遊濠上。

其十

翩然溝上亭，左右相映帶。
修桷列翠幄，長松偃高蓋。
地褊景逾寬，處約志彌泰。
誰知坐嘯間，心遊萬物外。

遊東山和程大卿師孟

東山十里復溪流，遠客時時騁望愁。
泉近榴花深洞口，亭開獅子舊峰頭。
一州旗色天邊出，三館芸香海上留。

南北共歌公所憇獨嗟無計共英游

東山碧巖亭

舊室曾留古岸邊新亭同賞碧巖前
日生獅子峰頭木煙伴榴花洞口泉
黃葉入秋山出地白雲臨曉海垂天
飄然蹤跡今何定別去江湖又一年

石倉歷代詩選卷一百六十六

欽定四庫全書

石倉歷代詩選卷一百六十七

明 曹學佺 編

宋詩四十四

謝邁

賦陳虛中振芳堂

青腰按節臨天闕
幻成圭璧驚人衆
一朝忽起枯槁想
墮作人間冰雪顏
國香端擬避清絕
鳳車安得窺幽閒

雪中長疑肌起粟挽住直恐乘風還風流別乘似何遜
哦詩興健排江山華堂燒燈呼客醉况引玉頰依琯闌
廣平題賦工婉媚杜陵索句愁飛翻小人徑欲悟香寂
何當步繞橫斜間

雙蓮閣

水芝凝露披芳塘淺粧穠畫爭煌煌其間艷異不世出
連芳並蒂知何祥有如一座兩殊色盈盈植立漢昭陽
九回沈水不須沐風梳露洗皆生香公如瑤林映紅粉

粲然一笑傾澄觴故開華閣掛銀榜大篇金薤垂琳琅
吾聞草木正瑞世箴蒲扇暑芝生房須煩丹青顧陸手
貌取絕艷歸明光

顏魯公祠堂

上皇御宇無長策牧羊奴子孤恩澤銀菟分印屬兒曹
二十餘州齊陷賊常山死守平原拒公家兄弟聲名赫
平原白首立班行忠義凜凜真嚴霜歷事四朝惟一節
當年舌舐中丞血豈知丞相面如藍貌雖夷易心巉巖

老臣何罪死虎口到今誰為祛其銜臨風志士長悲吒
矧瞻遺像嚴祠下未能立草迎送詞一奠椒漿淚盈把

翠雲道中觀穫

代田誰為西漢議耐旱幸有占城禾揮鎌正見八月穫
拾穗遙憐一老歌為言使君驅五馬北陌東阡餉耕者
汝曹力穡更宜勤慎弗惰遊辜使君

許巨源送笋

君家遶屋青琅玕驚雷裂地千兵攢入山長饒不汝赦

日削玉版登瑯盤有餘鼠壤幸分似憐我羹稀筋易寬
厨人取給晝舖饌頓使齒頰生甘寒韭菹薤苗豈復數
炙美似覺無穉穉嘗聞幽士愛風竹忍噪其子吾何觀
願君養成四時葉他時犯雪同君看

登同樂亭飲泉

昔人愛斯泉結構泉上屋空亭何所有冷氣宜三伏冷
泠石甃淨須眉真可矚欲飲無樽罍把彼纔盈掬何時
近亭居醉卧籬邊菊

次劉世基韻

兒時窺豹見一斑晚學一技千金彈齊房芝草不並秀
且殮秋菊紉春蘭無心時共白雲出忘機日對沙鷗閒
窮人與世各異調敢望一唱仍三嘆昨來卜居向巖邑
玉川破屋纔數間朝看爽氣出遠岫夜聽遶舍鳴清湍
幾回欲棹酒船去賀老不見空稽山

李成德作二筆凡以其一見遺云得樣于郢子

中家并示長句輒次韻奉酬

琴不安絃製奇古可憐不入文房譜鼠鬚龍尾玉蟾蜍
與汝俱成會心侶誰能好事為品題端效廣微亡輒補
謫仙傳樣桂林家以暗投人吾竊取我書太俗如墨豬
下慙羅趙何足數蒙公厚貺試臨池一字不成如畫虎
欲報初無青玉案哦詩况乏驚人語淨鋪滑薄待君來
慎莫踟躕畏今雨

碧筍

君不見韓潮州銀作飲醖誇工倣鐫花鏤葉太瑣碎何

言豪士亦爾為又不見六一翁嘗吟鸚鵡紅螺詩華堂
一醕豈不樂清歌勸酒須蛾眉吾儕山人寧有此競折
圓荷為飲器細傾初作露珠圓滿引忽驚雲液碎鼻中
寂寂聞妙香古本徐徐識真味採蓮當殺花當妓豈有
登臨百金費安得城西十頃塘水光容裏暑風涼時引
碧簫如象鼻仍看翠蓋立霓裳

秋日登鳴玉亭

山路秋陽何赫赫山亭淒冷多秋色豈惟醒耳玉淙琤

照眼光寒如練白
舊聞瀑布垂雲間
恍疑銀河墮天關
西望香爐不得往
箇中元有小廬山

有懷覺範上人

道人心與貌俱古
哦詩不復效等伍
清疑仙掌露華墮
新似秋空玉鉤吐
要將餘事付風騷
已悟元機窺佛祖
泐潭老子乳於菟
果在叢林嘯風雨
何當埽室祇樹園
夜看金盆聽軟語
我雖不是龐德公
懶駕柴車入城府
公如歸結白蓮社
留我山邊一厘許

次韻彥光睡起病目

蝶夢游揚卧碧紗知君不賞玉釵斜夢回起坐有佳思
亂觸牙籤書五車黑蠅着眼君弗嗟學道乃得青蓮華
商略此言當過我樵青竹裏為煎茶

陳循中求賦高麗墨詩為作長句

老松收煙琢元玉可試洮州鴨頭綠來從萬里古樂浪
傳到麻源第三谷要須岱郡鹿角膠擣成方解土炭嘲
請君摩研寫新作一弄潺湲弔康樂

陶淵明寫真圖

淵明歸去潯陽曲竹杖蒲屨巾一幅陰陰老樹嘒黃鶯
艷艷東籬粲霜菊世紛無盡過眼空生事不豐隨意足
田家酒熟未嘗新頭上自有漉酒巾老農時問桑麻長
提壺挈榼來相親一樽徑醉北牕卧蕭然自謂羲皇人
此公聞道窮亦樂容貌不枯似丹渥世途絕響求山林
此日高標同寂寞假令九原今可作舉公籃輿也不惡

秋暑

秋暑不可耐秋風殊未來何時疎畫扇無處覓涼臺誰
謂月離畢空驚山殷雷愁聞老農語南畝半黃埃

寄汪信民

泮水傳經老蓬山佐著才宦遊思引去祿養可歸來要
路眼誰白浮雲心自灰少年何太健君馬獨虺隤

其二

繫纜符離日君行殊未歸寄書問亳社有夢過江西不
見揮犀柄頻驚響馬蹄殷勤具雞黍多謝德公妻

喜董彥速自仙巖歸

鉢囊高掛同僧夏
遠寄巖間一把茅
地僻狙猴長作伴
食貧櫻笋不充庖
瘦藤任拄萬峰頂
野鶴來歸千歲巢
點簡篋中詩幾首
蒼頭時遣為君抄

莫莫堂新竹

僻寂漏茅屋
蕭梢新竹枝
徑迷人不到
蔭密鳥還知
綠色忽忽挽
薰風細細吹
即看柯葉老
寧受歲寒欺

晚春書事

春來畏病不飲酒孤負山南山北花有客款門驚剝啄
無人追韻得車斜獨酬砌下二三子豈憶城南韋杜家
不畏詩窮嫌水厄時時搜句煮新芽

題子逢辰畫

踏徧江南岸歸來試解衣誰言物外賞不與筆端違石
帶蒼苔瘦風凋折葦稀令人清興發欲問釣魚磯

戲咏石榴晚開

靡靡江籬只喚愁眼前何物可忘憂棟花淨盡綠陰滿

纔見一枝安石榴

絡緯

聒人長向井邊啼在宇丁寧戒授衣織素盡輸官事了
秋來工女正投機

招汪叔野

夜語僧牕雪載途歸來夏木已扶疎兩牛鳴處地非遠
萬竹陰邊吾所廬兒能竊聽從忘簞子盍徐行可當車
莫訝南鄰狂處士摻撾傾坐一軒渠

鳴鳩

雲陰解盡却殘暉
屋上鳴鳩喚婦歸
不見池塘煙雨裏
鴛鴦相並濕紅衣

種竹

闢地種修竹得方緣
祕經成陰向北宇
倒影落中庭直
取內含素豈惟枝鬬青
龍鍾玉川子猶擬抱添丁

李簿家有侍兒妙麗善歌舞諸人惜其死為賦

詩余亦賦

草頭朝泣露漙漙
樵歌暮歸丘隴寒
當時座上客半醉
琵琶不許近簾彈

次韻無逸兄見示

憔悴誰能賦大招
會將菌桂雜中椒
巷南隣里頻相過
水北山人詎可邀
細酌敢謀長袖舞
苦吟空咏寸岑遙
耕耘賴有陶潛婦
不羨孫郎對大喬

玉茗花

佳園昨夜變春容
清曉驚開玉一叢
素質定欺雲液白

淺粧羞退鶴翎紅似聞金谷初無種欲畫鵝溪恐未工
底事餘花避三舍孤高元有史君風

寄洪鴻父

兒時訪道漳江上燕雀羣中見阿鴻南浦飛雲看畫棟
北牕歌枕傲清風讀書長憶登山勝作尉聊甘食薺窮
想見咏懷非一律鉤章棘句定能工

食菜

道人真是伊蒲塞頓頓園蔬入饌來紫芥寒菹參薤韭

黃橙苦酒伴鹽梅
蒸豚不羨貯人乳
飯豆亦能羹芋魁
但恐酪奴不解事
攪令枵腹轉春雷

暮春

溜渠鳴玉雨成霖
春草池塘數尺深
後院落花人不
到無聊獨下海棠陰

吳彩鸞寫真

天上鳳皇難獨宿
人間翡翠本雙棲
丹青不與文簫共
誰遣雉東迷雀西

山間

籬落秋花未得霜
嫣然一笑媚秋陽
可人風味撩詩興
不記姚家宮樣黃

過金山下作

揚子江中風浪生
小舟如葉任歌傾
槳搖但指金山寺
霧暗初疑鍊甕城
絕頂迥分雙塔秀
層樓危立一僧清
他年來訪誅茆地
吾與此鄉春水盟

題跋

臨川謝逸字無逸其文章學業為搢紳推重以其所居
溪堂稱之曰溪堂先生弟邁幼槃以字行兄弟以詩鳴
江西有文集合三十卷邦之學士欲刊之以貽永久積
數十年而未能也粵紹興辛未趙公朝議來守是邦期
年政成民服其教慨然思以儒雅飾吏事命勒其書于
學宮以稱邦人之美意昌言以鈐槃董茲職于是搜訪
闕遺以相參訂晚得溪堂善本于前學正易箴又得幼
槃善本于其子敏行箴知溪堂出處甚詳敏行逮事其

父詩律有典刑其編次是正可無恨矣刀筆方興士大夫翕然稱贊工未訖功而四方願致其集者日至以是知二公之名重當時欲見其書者惟恐後也聞之鄉老無逸之交游無非天下名士其後幼樂聲聞寔廣與之並驅而爭先既沒之後為之傳序為之哀詞祭文者甚衆今未暇廣詢而徧錄也特取舍人呂公之所書摹其真蹟于後庶幾因呂公之文而不失二公文行之實云
壬申冬十一月辛卯朔建康苗昌言謹題

謝康樂詩規摹宏遠為一時之冠而玄暉詩清新獨出
又自有過人者後之善言詩者于二公蓋未敢有所優
劣也本中竊以為無逸詩似康樂幼樂詩似玄暉此平
等之論也紹興三年秋自嶺外北還過臨川去幼樂之
沒十八年矣始盡得幼樂書于其子長訥所伏讀累日
益知前語之不謬雖然幼樂與其兄無逸修身厲行在
崇寧大觀間不為世俗毫髮汙染固後進之師也其文
字之好蓋餘事爾後之學者尊其行并學其文可也學

其文不究其行則非二子立言之本志九月二十日呂
本中書

幼槃詩文不傳于世此本從內府借出時方沍寒京師
傭書甚貴需銓旅邸資用不贍乃自為鈔寫每清晨呵
凍十指如槌幾二十日始克竣帙藏之于家亦足詫一
段奇事也萬歷己酉十二月十四日辛酉晉安謝肇淛
題

附謝逸詩

題王立之大裘軒

小人拙生事三冬卧無帳忍寒東窓底坐待朝曦上徐
徐晨光熙稍稍氣血暢薰然四體和恍若醺春釀此道
秘不傳詎易車百兩君胡得此法開軒亦東向蘇公名
大裘意豈在萬丈但味名軒心人人如挾纊

社日

雨柳重重葉風溪細細紋清歡惟煮茗美味只羹芹飲
不遭田父歸無遺細君東臯農事動舉趾待耕耘

送董元達

讀書不作儒生酸，躍馬西入金城關。
塞垣寒苦風氣惡，歸來面皺鬚眉斑。
先皇召見延和殿，議論慷慨天開顏。
謗書盈篋不復辨，脫身來看江南山。
長江滾滾蛟龍怒，扁舟此去何當還。
大梁城裏定相見，玉川破屋應數間。

鐵柱觀

豫章城南老子宮，堦前一柱立積鐵。
云是旌陽役萬鬼，夜半舁來老蛟穴。
挿定三江不沸騰，切弗搖撼坤軸裂。

蒼苔包裹鱗皴皮我欲摩娑肘屢掣旌陽挈家上天去
只留千夫應門戶西山高處風露寒茲事恍惚從誰語
安得猛士若朱亥袖往橫山擊諸部

豫章別李元中宣德

舊聞諸李隱龍眠伯特已老元中少一行作吏各天涯
故人落落疎星曉西山影裏識君面碧照章江眸子瞭
向來問道渺多歧只今領略歸元妙老鳳垂頭禁不語
古木查牙噪春鳥身在幕府心江湖左胥右律但坐嘯

第愁一葉釣漁舟不容七尺堂堂表我今歸卧靈谷雲
君應紫禁鶯花繞相思有夢到茅齋細雨青燈坐林杪
聞徐師川自京師還豫章

九衢塵裏無停輶君居陋巷不出遊滿城惡少弋鳬雁
對面故人風馬牛別後夢寒燈火夜歸來眠冷江湖秋
馮驩老大食不飽起視八荒提薊綏

寄隱居士

處士骨相不封侯卜居但得林塘幽家藏玉唾幾千卷

手校韋編三十秋相知四海孰青眼高卧一庵今白頭
襄陽耆舊詢名德祇有龐公不入州

石倉歷代詩選卷一百六十七

欽定四庫全書

石倉歷代詩選卷一百六十八

明 曹學佺 編

宋詩四十五

彭汝礪

瓦鼓

自新建令仲文得之

客遊南昌歸歸我四瓦鼓渾完自甄冶質朴排罌甌觸
之散遺聲往往中商羽聲來殆天得不用詢有瞽野心

愛不徹取之置林宇竹梢奏清風似喜佳物伍岸巾策
筇枝共爾蠲毒暑世浮見此拙坐覺幽興聚丹楹惜異
時蕢桴想淳古君年比余少能亦珍此否

雪夜飲分題得雪字

顛風夜號花木折平明堦前三尺雪誰家羌笛落早梅
中夜南樓對明月苦寒厭厭祇夜飲朔風吹人毛髮縮
公才奔放欲萬里應恨低回受羈紲一巢安穩身自在
生涯却羨鳴鳩拙人生值遇行樂耳世事悠悠無可說

偶有名酒須盡歡
醉後嗚呼耳熱君不見
戍卒征南
凱未旋戎衣雖厚冷如鐵

寄友人

漢上近多雨
江頭應好風
想君當此際
掛席隨孤鴻
翔龍壓大浪
畫鷁凌長空
男子四方志
生時射桑蓬
爾來何遲遲
吾憂祗忡忡
安得百頃田
稍隣五老峰
早賦歸去來
同為採芝翁

讀史

婁敬脫輓輅獨建金城安韓信出羈旅遽上將軍壇謀
出萬乘驚名飛百夫嘆丈夫松桂姿直氣虹霓蟠得時
樹功業未謝婁與韓

次韻堯民同年

飛雪鱗長鯨浮蛆撥新酒故人不我過絕壁頻回首北
崗無斷絕參錯紛燕豆觸目事斬新愴懷治平舊龍飛
第一膀四百如蘭友勁氣沮金石高文爛星斗我衰也
久矣彫落幾無有未去真厚顏欲歸猶掣肘盤根發餘

办想見敏捷手江河被郭郭雲霧生戶牖顧瞻良集易
嘆息幽期後吟到詩輒成吾窮久箝口

答同舍游凝池

仙宮神靈之所宅樓閣倚天一千尺先生好游猶挾冊
藜覓不慙吾鼎食凝祥池頭三月春腰金騎犢多貴人
天邊五岳煙霞閣海上三山雨露新蛺蝶能飛燕能舞
鳳凰在雲鴻在渚仙人驂鸞入雲霧寂寂不聞青鳥語
洞天落晚日沈沈漁舟縹緲桃源深紅玉坐看花着子

青雲行見葉成陰疾雷怒飛風雨急瘦馬不行歸旆濕
投間一日須一來歲時變化猶呼吸

栽竹

一生正能着幾屐曠達人稱阮遥集何可一日無此君
風流我愛王參軍夏葛冬裘吾便足由來世間無可欲
但栽翠竹滿東林我日對之歌且吟

送穎叔帥臨洮

風如疾雷電如竿積雪如坵壅道路蔣侯車馳挽不住

見說西人復嘯聚目視陰山欲飛去蔣侯文如江海注
一決萬里無盡處筆落在紙成雲霧氣吞雲夢八九數
力轉邱山縛螭虎終日笑言公不怒三軍號令成樽俎
羗戎膽落汗流沚邊人乃至歌五袴昔誇禁中得頗牧
今見南陽稱召杜前席宣室疑已暮勒功燕然無可慕
歸來徧作人間雨杖杜吾當為君賦

彥衡約飲湖亭行不及赴

主人欲留客其意良已厚行子念于役奔命惟恐後張

帆半夜起撒若驚蓬走盈盈水中蓮鬱鬱堤上柳相別
不相見已行更回首人生如朝露理固無可久可為惟
為德萬一或不朽行也死後已庶猶無大咎君恩不勝
報聊一報我友

行西城

我將行西城曲指計日月汝來今幾時已卜錢塘別吾
衰況多病冉冉鬢已雪安能久去汝漫自投羈紲田園
苟可飯聲利非吾屑與汝歸去來相看至耆耄蒼茫尚

無淚空復愁如結

漢上謁劉執中

塵土能汚人有如衣匪澣驅車出閨閣縱目盡江漢漁
舟泛青雲瀟灑雁為伴蘆花如飛雪時逐風散漫可憐
獨清人憔悴行澤畔

菊苗

重陽黃菊花零落殆無有微陽動淵泉嫩葉出枯朽青
青好顏色寂寂霜雪後物理如轉環人生豈能久

採葵

古人採薇蕨我亦愛斯葵能隨朝陽傾不為秋露萎
調戒中厨聊以燕母慈拔根取廉名未愧魯公儀

途中和君時

聞君欲脂車輾轉寐不安憂心頑如石百計不可寬
鴈祇在桑歸雁乃雲端一瞻百嘆息強飲終無歡

寄君時四章章四句

我脂我車陟彼高岡母也吾懷匪居或忘我帆我舟汎

彼大江母也吾憂食匪或皇我池有魚亦可以羹何必
鮪及魴叔兮其歸哉我田有菽苟可以食何必稻與粱
叔兮其歸哉

自吉泛舟入贛

我行欲從車好風苦相招謂言困行役厭此道路遙駸
駸四駱馬終日在岩嶢簿書更追隨精耗髮欲焦乃復
汎柏舟錦幔蘭為橈是時春始和暖風秀陵若彼柳已
青青彼桃已天天王事敢不修我飲歌且謠彼不知之

者謂我士也驕不知非所知我茲以逍遙

遊峴山

去年冬少雪二月春始晴南遊峴首山東下石頭城揉
藍染江水爛錦貼園英幽亭一杯酒不用千載名

冬日道中作

夜卧衾裯單不敢嗟體寒晨餐蔬食微不敢嘆腹飢重
念飢寒民亦有甚我身我心若嗟吁彼俗當何如

長蘆阻風

縱目江南路繫船淮上村長蘆雲作陣高柳石為根浪
逐江風急湖連海水渾雪霜千雨散征鼓萬兵屯蒲藻
魚遊處泥沙鳥篆痕參差隣畫舫咫尺想空門貝葉有
秘語韋編無近言漫瞻雙去翼空飾兩朱轡好在彌天
釋何如炙輠髡濁清羅酒筵南北看風幡敬信無非事
精微詎可論孤忠天未棄尚合辱垂恩

宿金鈞館

絕域三千里窮村五七家雲深無去雁日暮有棲鴉霧

擁雲垂野霜連月在沙夜長無復寐寂寞聽寒笳

惠州

霧暗山千疊水寒水一涯風高天作雪日晚露迷沙居士身如夢行人驛是家青燈無意緒點點自成花

和章承議通判來章

近水班荆坐緣山拄杖行雲煙窺勝槩風雨聽寒聲久累維摩病多慙衛玠清波瀾終未息衮衮共勞生

雲蓋寺詩

并序

唐淨圓禪師初自石霜來得乳蘿洞喜之將宅焉初
至蛇虺塞路矯然怒視師師以法語告蛇引去既宿
而斃師為焚之旦視無遺燼有三泉出焉左者黑右
者清中者白師既築室從者如歸市逮今遂為名刹
舊日蛇虺穴今時蒼筤林寒泉三井舊高閣五峰深翠
竹娟娟老長松漠漠陰鳳凰池好在誰得老師心

道中

湖天冬不雪山地晚多風岸草猶全綠村花或自紅差

池歲聿暮寂寞雨其濛南北隨蓬轉浮生寄寓中

內鄉招提寺

淫雨宿蕭寺白雲思楚山病催顏色老淚衰髯毛班流水終何事飛禽倦未還夢歸無別處驚嶺鳳林關

途中早起寄兄弟

為惜庭闈別方驚道路難醉憐山月古病怯野風寒駐馬詢農耜臨溪問釣竿新詩如有得寫染寄歸翰

送巖夫庭佐歸寧

春雨傷行色秋風問後期
欲吟黃鳥意更遺白華詩
家
塾求吾友親庭寄所思
獨吟城壁晚始悟角聲悲

接伴太傅離新館其兄迓于途

使者乘輶至將軍走馬迎
侏離何所語踴躍不勝情
寓
目鴻雁澤傷心杖杜行天
乎非有間我老獨無兄

夜泊睦州桐江

一水連銀漢千山擁古城
客乘清夜息舟倚碧溪橫
皓
月危峰影清風細浪聲
嘔啞殊俗語慘淡異鄉情

余十一月甲申以使來武岡坐茅茨之室逼閭
閻之陋無故人往來之樂懷羈旅不足之情
于是有遊古山之寺在縣西十五里而山水
俊拔深秀亦有可愛者因留置酒抵暮還驛
而作是詩

淡日沙村晚霜晴溪路遙蠻人瞻虎節田父看星輅使
指勤咨問君恩費養調畏途語跋涉遺策問芻蕘臘近
雲長暝春遲雪未消遠空低幕帟疊嶂露瓊瑤板屋誰

家舍茅簷何處橋梅香浮遠水藤古上重霄細草眠黃
犢巔崖落皂鵑兒童晴出牧婦女晚歸樵椎髻騎吹笛
斑衣行踏謠封疆連五嶺習俗帶三苗狐鼠威溪老豺
狼脫洞驕今當蒙潤澤久已靜氛妖歌舞隨鄉地耕桑
託聖朝威儀欣用夏姓氏耻稱僞僧至不千里寺名非
一朝小亭浮草莽高閣出岩堯泉細能沾潤峰危欲動
搖會觀禪味足還見講花飄茶汎波無跡香深篆未消
遠遊貪物象久客厭塵囂子美詩千首淵明醉一瓢儻

來淹白晝輕去恨連宵野色隨行李灘聲逐畫橈烏歸
鳬漠漠旌旋雨蕭蕭淡月生昭曠青燈照寂寥歲時惟
箭激江海祗萍漂洪井連廬阜蒲山近斗杓且從周夢
去莫作楚辭招

在合肥幕中有作

幕府開雄盛朋遊望俊髦雙松關水雪一鶚出蓬蒿春
雨吟花蒂秋霜滿蟹螯山川留翰墨天地入風騷感慨
驚多變微生病一號酒卮餘寂淡詩筆惠英豪憂思生

心腑塵埃上鬢毛簿書今日困道路此身勞小雨開濡
滯清飈散鬱陶小亭山可見從此欲登高

送劉器之待制知真定府

時平謀帥重侍從輟名卿龍種三千騎虬髯十萬名紅
蓮王儉幕細柳亞夫營側道諸侯謁還鄉故老迎試詢
三將宅應過五梁城漫樂潭園勝難忘魏闕情守株嗟
我老杖鉞壯公行祗恐非朝夕君王召賈生

和春城北

春光未恣看已復見春深水漲千溪綠松低一路陰薄
書淹世態難黍亂鄉心莫廢清和飲枝頭李可沈

和晚北園

天氣非相逼東風已自歸樂遊終少及世事故多違桃
杏春如在溪山暑尚微早期筌楫泛頻縱角觴飛

和祖道國門外文淵子至東父餞席上贈別

行李隨長道飄蓬笑賤官望雲瞻白日臨水看驚瀾鳥
語如知節花開尚怯寒莫嫌春色淺留到後園看

陳師道教授示黃梅詩次韻呈正夫學士

美色絕殊衆暗香時着人齊州終自別不比嶺頭春可
但深宜晚須知巧耐寒北人渾未試祇作棣棠看

大小沙陀二首

南障古北口北控大沙陀土地稻粱少歲時霜雪多古
來長用武今日許通和宣乏驃姚將君王悟止戈

大小沙陀深沒膝車不留蹤馬無跡曲折多途人易惑
自上高岡認南北大風吹沙成瓦礫頭面瘡痍手皴坼

層冰我我霜雪白狼顧鳥行愁覆溺一日不能行一驛
吾聞治生莫如嗇

和漢廣席上賦

秀色霜滋重餘香露洽鮮鵠巢靈殼媚蟾窟夜珠圓丹
橘非優貢蟠桃亦浪仙無嗟後林盾未至太清天

龍泉一首

秋風入泉野吹散菊花芳萬里無人處千枝祇自香風
流憶彭澤時節念重陽物意雖寥寂能忘酒一觴

和君時余未至君時言有羣鵲集

舊重千金諾元為五日期水清冰破玉巖潤石凝脂命
駕不嫌遽舍車空悔遲多慙無道力有往鵲先知

和君時弟韻

流火退縮金盛強郊原日夜生寒涼梨垂栗皺橙柚香
田家笑語炊黃粱山水秀澈搖秋光重巖細菊斑斑黃
萬象呈露無遯藏時和歲豐辰亦良脂車與子遊上方
吐論縱橫氣軒昂書帙羅列圖畫張睥睨孔孟窺虞唐

偃息道與緣禪牀冉冉定看移星霜

遊西山示同志

我少及長從公遊我今老矣公白頭淵明彭澤不歸去
太史周南方滯留愛山興與精神聚形骸自笑縻瑤組
欲騎馬去陟彼硯空羨鴻飛在于渚西山第一列洞天
別有日月無歲年洪崖已成丹竈藥瑤池每賦白雲篇
嘒嘒蟬噪竹枝露斑斑豹宿顛崖霧伯兮伯兮歸弗遽
人間旱歲須霖雨秋雨辛勤開菊花春風取次生蘭芽

我雖調公不敢易龍駒會去超胡沙

使北有懷

長年日戲老萊衣不忍此身終日違今日馬頭燕北去
不堪頻望白雲飛白雲汝飛去何許悠悠會到江南路
朔風吹淚灑大河直與波瀾競東注

皇帝郊祀禮畢詣景陵恭謝次履中學士

黎明駕出告熙成朝野人呼萬歲聲日上天門春意近
雪殘宮瓦曉寒生六龍寵護隨天仗三爵恩容醉御觥

德似丘山毫未報白頭知愧不知榮

和瑛師

江湖日夜着東流水上乾坤一點浮隔浦雲山隨客步
近村花竹慰人愁同舟自有林宗在結社還須惠遠遊
酒興正酣歸更懶坐看涼月上滄洲

送宗文先輩

夫子聲名二十年塵埃歎息欲華顛相如舊有凌雲賦
靖節今無種秫田南國寂寥歸見雁北風悲壯屢聞蟬

思量世事真如幻合置窮愁頓酒邊

萬安道中

上下雞籠牛口灘灘頭濯濯雨聲寒氣蒸曉日雲無際
波漾春風雪未乾落絮並花浮遠水飛鷗隨鷺落驚湍
扁舟穩泛滄浪遠珍重嚴陵一釣竿

嘗約誼父同遊龍泉奔走失期故作是詩奉和
元韻

野寺幽幽隱翠嵐山川形勢盡東南吟隨野竹吾懷愜

醉啜溪泉此意堪樂事難并真可惜登高能賦亦曾諳
遊從欲盡林間勝雨氣渾渾滿古潭

送望之郎中提舉舒州靈仙觀

江干遠別幾秋螢汴曲相逢眼更青余志自能同豹變
弋人安得望鴻冥風流綠蟻千鐘酒香火黃庭一卷經
祇恐諸公還薦鶚未容輕去老巖扃

山林

鶴瘦松枯不自禁窮愁千緒欲相侵山林誰識謝公意

風月獨高梁甫吟行視水痕嗟不息靜看雲影愛無心
懶隨塵土超時態欲就絲桐丐古音

暮雨

暮雨忽隨江上舟寒風髣髴轉清秋興隨煙月成千首
醉忤鶯花長四愁不繫可憐波上葉忘機應喜海邊鷗
一聲畫角吹魂夢散落淮天曉未收

和張侍讀總翠亭

城隅東北起危亭卧棟飛簷控地形萬井不藏平野綠

一湖纔見遠山青春歸會圃低華幄雨歇寒蕪露翠屏
日暮登臨望樓闕誤隨飛鳥下南溟

至雄州寄諸弟并呈諸友

馬頭今日過中都到得雄州更有書道路莫嗔音問少
天寒沙漠雁全疎

和國信子育元韻

雪餘稅馬立孱顏望盡南垂北際山一段黃雲凝不散
邊人說是瓦橋關

二月己亥曉出城祀高禩

淡雲斜月曉昏昏風物遲迴認故園
竹葉密藏林下寺
桃花低映水邊村

塵沙騎馬聽溪流淡薄春風却似秋
坐憶洞庭波萬頃
灘聲長在釣魚舟

塵土冥冥二月風寥寥天外有歸鴻
松陰想見芝山路
隔浦溪花岸岸紅

景繁見和再用前韻馳寄

魚飛鯨躍出波瀾獨立蓬萊縹緲間會有清詩寄蘆竹
能無歸夢到溪山

和執中及謝檢法

三年不見洛陽花今日襄陽看轉嘉奔走簿書長似夢
不知春已滿人家

北風

北望南淮雲更遮別離方覺路為賒深林青杏還爭熟
淺水紅蓮亦自花

泊真州新河亭

鬢毛垂雪欲參參
道路風波老不堪
繫纜短亭聊自慰
青山數點見江南

蘆花

風起蘆花散雪紛紛
故着枯槎曉日曛
曛照處十分認
作梅花

沙柳

沙陀祇見塵土柳
色如逢故人憶着
千條萬葉金明馳

道青春

擬田園樂二首

買田何須近郭作屋却要依山青松共我終始白鳥隨人往還

山色依雲閣淡溪聲漱玉玲瓏孤笛醉吹明月扁舟臥釣秋風

石倉歷代詩選卷一百六十八

欽定四庫全書

集部

石倉歷代詩選卷一百六十九至
七十一

詳校官庶吉士臣范逢恩

侍讀臣孫球覆勘

總校官進士臣朱鈐

校對官中書臣方大川

謄錄監生臣何珊

欽定四庫全書

石倉歷代詩選卷一百六十九

明 曹學佺 編

宋詩四十六

黃裳

送胡君遊洛

得喪紛紛轉羣慾誰及愛嵩三十六有客忽自東南來
已為湖山飽雙目逸興不住皇州春天津橋南酒初熟

長念花王司馬坂洛陽今寓誰家館已聞香信滿東風
嬪御相從水光畔芳容須向盛時吟昔也醉翁長恨晚
穀雨且老黃鸝聲急上征鞍望瀍澗送行詩句無纖塵
自有交遊在霄漢藜莧腸中何所須但愧銀鈎落香翰

簡元興祠部

百花巖上仙人住巖下為州山水聚白頭青塚南北人
倒影沈沈獨懷古倚欄把酒與誰同况是使君為獻主
應喚漁舟疎葦中旋膾遊鱗落紅縷秘書座上最軒昂

能共春雲爭態度紅衣帶月今何處幾轉春殘掩朱戶
飛船送客空斷腸梁塵謾落聲中勾虛白亭前湖水間
忽為霓裳起思慕出門沙土亂如雨薰風吹夢天南去

簡无咎學士

北澶車馬來何暮芹苴池邊失歡聚有分共為文字遊
却向西郊話今古世俗聰明多澆漓信厚期君中有主
職事無塵靜相對滿榻詩書香數縷嚴扃如在柳陰中
綠幄朱簾細風度紫犀鏤破雪花濃石鼎煎聲遶牕戶

準擬七椀邀盧仝清滌煩襟出新句共笑先生最貧苦
誤使簾前客相慕虛名薄利能幾多裹飯區區來復去
寄題妙光亭

天邊月下雲初盡江上潮來風已定雨初無情豈有期
但見圓光非遠近潮回月落杳難尋元無此景何須問
沙北渡頭人自忙誰向山翁說真性滌除塵垢無少休
他日危樓與君凭

觀蠶

大巧不為蠶上簇機婦飛梭注雙目腹空萬緒徒自縈
縑素如山人未足

翠筠庵

外環碧玉千尋直中起真香一篆清宴坐主人俄出定
歲寒枝上得秋聲

假山

天作乃為真人功故云假堆疊孕奇恠含思亦如畫遙
岑出寸碧羣岫擁而亞蒼苔把秀骨猶愜時雨灑去來

何所人度嶺策羸馬安得無心雲經從斷復挂日落行
且休寒巖峙孤舍

送滿龍圖守奉化

臺省兩稱公郡國三換節海角承重寄螭頭懷遠別俯
仰七遷迅覺夢一炊熟先生自怡怡浮世誰懞懞暴霖
駕西洛華艫指東浙香徑催菱荷豐厨拾魚鼈窺影入
賀湖訪古探禹穴未暇登四明方思白華潔親聞悵望
時千巖看堆雪

春霽

動潤畢化事清暘却陰翳披雲出寸碧銀色爛盈地芳
徑導衆榮頑凍展羣翠雨霽春且老良時固難計好景
歸新詩清樽接佳士韶光宜夕陽醉卧莫輕起

送林疑獨教授

猶記龍津曾把手閒對雲山一樽酒譚高稍犯禪師彊
遙指青尖露疎牖壁水起人新思濃旁釋竒文到科斗
自笑山翁緘默多來處長疑抱真叟乍喜相逢春色中

忽見天機動楊柳

覽武夷記

武夷山中十三子邂逅相尋良有以太清筵前何事醉
一時謫在人間世八百年後還升真武夷真君真主人
天台有籍安得知不謁子騫誰與祈紫雲中下龍潭雨
猶喜張仙好詩句

留題琴軒

軒閣競華麗誰肯厭絲管豪華既交歡盛麗亦同翫鳴

絃雖侑觴惟宜素纖按聲色方爭高耳目及中亂古意
始興懷曲終情已換黃子尋天真開軒名以琴問琴意
何在答以琴為心我願聽以目與子為知音無絃之琴
聲無聲世間此曲今何人

題桃花菊

水雲深處尋幽客競把銀瓶飛琥珀坐間玉篆流盃來
時伴桃花獻春色塵勞不到清樽前何幸山翁設歌席
人在夕陽方醉時回首雲迷武陵宅

道倫竹閣

曾看孤山翠微麓回環閣下千莖竹醉吟先生唐室賢
灑落情懷出流俗赤城德士攀高風特借嘉名榜山腹
雪霜難犯中心虛直節凌雲聳蒼玉月華弄影無纖塵
合有丹霄鳳來宿

重九遣興

佳節嘆短晷清爽愜幽抱新故遽相代意思幸長好百
年如秋時行行越中道重九雖百回半百已云老雲液

傾新醅籬花摘靈草但約金卮空何愁玉山倒且趁馬
臺遊莫管龍山帽

燕子樓

眇眇初歸樓上時相如燕子長雙飛有才將色世間少
況復節義猶堪依將軍一去十餘載玉簫瑤瑟無心解
豈不能死空相隨以色累公非所知白老曾為賦詩客
風裊花枝醉無力後會勲郎漢陽驛因語歔歔已成昔
走筆還賡美人句猶感白楊堪作柱我来登賞非唐人

尚引多情聊愴神人生真盡皆為塵百年一餉難留春
高樓人散誰復親只有燕子年年新

中秋日賓興宴

九十秋分今夜景銀色界中秋意靜獻賢時入帝王州
鼓瑟筵開山水境西風勁衫袖冷遙度天香到酒邊中
有醉翁吹復醒徘徊態凌亂影急須行樂慰勞生相得
相忘無食頃一年人愛此回圓十分仙桂都開盡自有
清光隨我身嬉遊寶蠟何須秉

次常父著作曝書之韻

內閣儒方集先朝事不忘曝書開綺席偃武斂牙璋
籤軸陳千古金朱萃一堂日華窺鳥迹冰豔照金觴
已掃斷簡蠹更增東壁光士高閒粹語天近覽幽香
見博思唐庫恩新仰舜廊名山纔向曉振鷺已成行
官職塵勞少朋從語笑長但慙甘若醴寧恨冷如漿
小說誅瀰漫雄文薦煒煌培風誰有志從此好南翔

送中吳太守

華省人間去領麾出關風景正相宜唐虞民物氣和日
吳楚江山秋靜時語接鄉音猶喜近舟行蓮渚莫嫌遲
古云廉吏君知否優孟空歌勸莫為

送袁志行戶曹

十年場屋費才華謾有詩名子可嗟未入儒林升俊造
且行春雨到夫家遠乘澤國三秋月高跨天河八月槎
道阻且長瞻不及空吟霜露滿蒹葭

次齊守巖老見示東湖之韻

共辭蘭省作諸侯更領東藩第一州公事了時尋好景
兩崗盤處得寒流

秋雨喜霽

陽光方接物陰蔽已開闢水落新痕定雲收去影閒
花窺曉日松影撼秋山滯思可乘興開尊為解顏

泛湖

泛船初向白公樓渺渺天光簇簇洲綠竹岸邊疑士隱
紫煙波遠恐仙遊賓朋欲散還看月風俗雖忙尚買舟

最好四山環繞處一家中占五湖秋

初秋偶作

火行金候兩猶爭擾擾蚊蠅自未平雲漏雨聲蒸地爽
日含山色暮天明直須紈扇恩情斷始向籬花意態生
萬里壁寒無一點月明中看雁初橫

觀潮

十州基址難淪沒二浙源流且溯洄秋信最宜吳地看
雪峰飛向越溪來

寄清退君章大夫

故人間適地行仙林下邀誰共暮年把酒應思天際客
登樓俄上水南船懶看小吏呈朝報靜聽高僧說世緣
華髮未輸頭上白更期攜手歛溪邊

寄袁思與

京華為別各蹉跎猶幸相逢笑與歌風雅長言先進少
游從高義故人多雖知塵境先忘累猶念玄宮未處和
行欲超然無一事便當求我向煙蘿

觀蓮亭

青泥藏化育紅粉看芬芳
照水有餘態乘風無限香
晚來花氣盛暑後雨聲涼
不着故不染走盤珠自忙

聞雁

露下多時雁未鳴
數聲雲外此宵征
北人書到三秋盡
南國弓開一字橫
孤館有誰驚好夢
平蘆何處起寒更
想應俎上終須免
宜向方塘寄此生

山堂有作

煙籠雲鎖幾千年流俗尋山豈得先
一水中分吳越界
四峰前卧漢唐仙間遊東徑窺青海
偶住西源翫白蓮
却省內遊還有感杖藜看指夕陽天

南樓有作呈仲矩舍人

莫言風物是窮邊塞北江南此果然
蒼壁下粘芳草地
垂楊中卧碧塘天人吟夜月波中笛
客醉秋荷雨後筵
來候朔音棲處好夢常捫斗過幽燕

除夜送代倪簽判

北風吹雪抹潮頭待過江南第一州去客情生來歲夢
隔江燈照此時愁玉皇謫吏行當復金闕除書即便收
言簡氣清終有用卧龍山下自難留

觀遊山記感舊寄霍子侔

故園別後有餘念舊記重看無限情山倚日中支暑氣
水從雲外落秋聲向前世務心猶壯憶昔溪居眼自明
攜手逸民今在否杯茶誰與話平生

靈壁遊張學士園

休說行行且與吟
道山官職舊園林
石疑六醜默難問
竹類七賢閒可尋
翠引賓朋三徑遠
寒生涯澗一池深
隋河堤上人空老
誰為蘭皋惜寸陰

秋日有感

清生明爽靜生悲
羣動相將却入機
物向本根成既老
雁知時節去還歸
山人邀飲酒初熟
漁叟獻鮮鱸正肥
莫管世情都掃盡
閒來林下看秋輝

社日遊雲門山

不須扶我自登山脚力能勝十八盤一字雁低頭上過
兩城人細掌中看雖知北戶緣猶在却笑南柯夢未闌
忽見歸雲應是信滿襟先得洞天寒

次冷風閣之韻

能御冷風入九秋豈愁光景去難留翠搖竹影落猿嶠
清遞笛聲來鷺洲兩腋獨乘盧椀興滿襟誰作楚臺遊
須知大塊生微意豈俟雲邊嘯虎邱

和李學士試院感秋

荒庭初得雨幽點失凋梧滯思舒千卷高吟想五湖
蛩聲生翠幄酒力借微軀襲蹈貽文病猶難望漢儒

次邦彥節推見寄

十年譏笑為誰妨灑落思君酒甕旁曉殿雖爭多士捷
夜牕還對短檠光靜憐春草開三徑冷恠朝壑引五漿
且喜相逢頭尚黑江湖休更起懷鄉

秋日有感

秋來猶寄一涯天葉葉秋聲似去年可恨蕭晨長在客

不堪孤館更聞蟬

幾時能致買山錢
便好山中醉暮天
有物秋來長引夢
鱸魚新到曲江邊

延平閣閒望

倚闌誰問紫芝翁
湘浦幽懷莫我同
邂逅秦漁人不識
扁舟常在水西東

舟行

兩岸青山一水明
溶溶天上客舟輕
行人千載誰相望

謾掃幽巖記姓名

立春奉祠太一

九霄香落降龍衣
隱隱霓旌下紫微
十雨九風春意好
已知消息曉來歸

桐廬縣仙人洞雜題

并記

余得此洞十餘載
釋老之徒遊寓甚衆
多苦寂寥而去
宗寧已酉天台惠文來卜以居
桐廬人相詔以資之洞于是乎興
大觀己丑春余自洞霄南還

道出密巖之下文請為洞中遊因與余言頃有卜者為文占云當有顯官至此度兩弟子由此遂為名刹今已度弟子公復來乃其兆乎余與文言頃有異人道余自紫元洞遊人間世于橋之西為余作紫元庵他日于此棲養以度生文喜不日而庵成來求余文余嘗顧洞中物皆出天造非人力所能為若夫池以時而盈虛雞以時而去來蟾以時而鳴默出洞之龍坐禪之僧應擊之鼓跨空之橋

與物合真與天同信皆非人力之所能為者有待
乎人而後見于世乃叙卜者之占異人之語作詩
十絕以詒惠文大觀庚寅正月望日紫元翁記

石龍

去卧仙源懶未安未收鱗鬣半身寒何如却赴雷雲會
休作遊人一笑看

石橋

跨越虛中亦自然幾千年度地行仙桃花流水春風好

由此東西是洞天

青栗

枝葉凌雲綠蓋寒乳藤因得到雲端仙家手植無人會
誰信靈根石上盤

泛舟錢塘西湖

望湖樓上與雲齊下視銀河一道低好是水邊歌舞後
綺羅人在畫欄時

俄起谷風斜撼竹驟來時雨碎敲蓬回頭已見煙雲合

點簡天邊失數峰

次致政李大夫郊步之韻

垂髫孫子侍間行只在閒中度此生偏是杜鵑能愜意
不如歸去兩三聲

題仁壽閣

百年塵外境萬慮靜中身終日無他事寒泉照隱人

自萬松嶺之龍山

駸駸車蓋與雲參控景金漿尚未酣穿過竹林何處樂

龍山前有集虛庵

還鄉有感

竹馬兒童已失真且尋春色莫撩人
溪山不似當時見只為交遊半是塵

將遊茗溪先寄同志

長愛茗溪乍入秋有時東去與君遊
詩牋酒盞遊何處十里荷花一葉舟

送周奉議赴吳江

一官方解浚橋南欲試絃歌豈為貪
便得洞庭山下去
公餘誰共擘霜柑

暑中

幽懷無處對秋陰數疊雲峰壓翠岑
安得水邊開一閣
蓮花風信滿衣襟

松軒對雨有感

田無數畝難回首土少高風易折腰
古往人非秋自老
松軒吟對雨瀟瀟

湖上閒賦

誰家絃管度前汀宛似湘江昔有靈一曲未終船已遠
白雲空點數峰青

徐通直守揚州

一隅不見古揚州惟有平山尚自留且看江南山色好
莫緣花月起閒愁

春日有感

桃李嬌春總不知風情惟與道相宜堂前楊柳青絲軟

吟看無人獨自垂

友人見問久不作詩

幽情竒態動風騷大巧如春未奈何莫恠近來詩句少
只嫌吟後客情多

石倉歷代詩選卷一百六十九

欽定四庫全書

石倉歷代詩選卷一百七十

明 曹學佺 編

宋詩四十七

鄧肅

分歲

餘臘羈人少共歡
那堪飛雪集雲端
四時欲盡三更漏
六出翻成兩歲寒
壓破嶺梅殘
艷薄敲殘亭竹碎
聲乾

公卿休掃黷堂下留與來朝執玉看

別陳少卿

平生盃酒百無憂四海風流說太丘據景筆端凌鮑謝
當年門下得伊周那知避世嶽嶽迹也許從公汗漫遊
聞說片帆今又舉三山無處著人愁

戲洪丞

萬里歸來雲水鄉逢春得酒且徬徨好賢誰侶雙松吏
使我時終一石狂忽與高唐來鼠目却令朱戶鎖梅粧

先生取瑟吾知己安得從今不舉觴

大雨

夜夜陰雲如潑墨雨勢欲挽銀河竭春工十八落泥塗
驟雨誰云不終日魏紫姚黃業已空嬉遊何足介心胃
只恐年年禾黍地浸淫盡入陽侯宮憑誰為我呼少女
掃空陰翳開天宇光風霽日暖層霄坐令六合同歌舞
寒梅上李舍人

窮山觸目紛茆葦此意昏昏誰可洗竹間橫破一枝梅

對月嫣然耿寒水吟詩索酒滿高堂穿簾的皪射晶光
世上羶葷來不到翦翦天風吹冷香人言百花睡未起
獨冠羣芳差可喜珍重和羹自有期行事爭雄壓桃李

題梅齋

江邊蘆葦風颼颼東君一點破寒愁牕間疎影橫春瘦
枕上冷香尋夢幽夜深竹折驚殘雪捲簾醉起千山月
洗空肺腑龍麝腥落筆天香鬪清絕

上先生

夜馬踏殘月荷策來泮宮入門見先生語意何雍容短
檠挑燈一千夜高談雄辯流胷中吾皇求士若飢渴那
許先生久卧龍玉鞭斜指長安市小軒從此冷如水空
留絳帳照孤燈牕外西風起寒葦

龍興避難

傍山恠石如蹲虎絕頂去天無尺五却披叢棘下山腰
丹碧照空飛棟宇道人蓬戶厭塵勞避世祇嫌山不高
那知行空老曼倩竊食當年王母桃松檜參天門晝閉

碧玉擷蔬飮炊雪百年冷坐無車音一旦偕來真惡客
當知喧寂豈殊觀出世何妨在世間能致吾人師作古
龍興今日始開山

送丹霞禪師

山壓濃陰勢欲頽阿香推車振不開君來論詩風四起
挽出義和照九垓別居八年驚電掃霜髭已失童顏好
逝者任從造物流吾人一笑初不老明朝飛錫過平津
浩歌歸耕隴上雲巖竇不應藏一滴要須化作無邊春

再用南齋韻謝

沙溪清可啜遠山翠欲流翩然航一葦浩歌入蘆洲高
堂上木杪幽人事勝遊但足簞瓢樂不知天地秋我輩
嗟無口冥搜空掉頭何如三才傑等是濟川舟開卷騰
光怪天上卿雲浮阿雲又嗣音吾研不欲留平生浪詩
名寒蟲號清幽已對狂道士從此敢吟不

附章染詩

運司園亭詠

并序

成都轉運司園亭蓋偽蜀時權臣故宅也清曠
幽靜隨處皆有可樂者輒為十詩足以省憶髣
髴云爾

古木鬱參天蒼苔下封路幽花無時歇醜石終朝踞水
竹散清潤煙雲變晨暮何必憶山林直有山林趣

王谿堂

堂因水得名方沼當其後漪瀾蕩棖桷牕戶挹花柳蟲
魚不避人鷗鷺若相友午枕夏簟涼此樂亦奚有

雪峰樓

層構壓池塘不僭亦不偏
影浮綠水靜寒凝雪山色撫
檻接脩竹連簷引蒼栢注目望長安無奈濃雲隔

海棠軒

珍葩寄幽島正對孤軒植優柔
自俯仰紅綠若組織春
酣晴日曛坐久濃香逼池面淨可鑑
朝霞罩澄碧

月臺

蜀地饒夜雨輕陰多蔽天
見月月無幾築臺邀嬋娟
高

凝桂影近俯視雲屋連顧盼已塵外欲挹瑤宮仙

翠錦亭

梗楠百尺餘排列拱簷際畏日自成陰隆冬寧滅翠虛曠得寂理懶癖資濃睡誰知官府中獲此冲漠味

潺玉亭

傍砌醜小渠回環是流水石蜃吐珠涎清響醒人耳風微竹影碎月皎波光起颺爽無塵囂靜適心所喜

茅庵

竹間構圓庵所向自瀟灑珍禽弄巧古宛是居山野默
坐見真心萬緣盡虛假勿陋尋尺地茲焉息意馬

水閣

架木浮水中畧約通孤島扶疎花影反撥刺跳魚小風
月所得多經營信云巧隱几寂無人朱欄萃幽鳥

小亭

花邊二小亭雙跨清渠上規摹雖甚隘幽僻良可賞幸
依佳木陰未美大厦廣不足延賞朋携筇常獨往

石倉歷代詩選卷一百七十